



INYUVESI YASEGOLI
IFAKHALITHI YEMFUNDO
UMSEBENZI OMKHULU WOKUGCINA
KUNHLANGULANA 2021

UHLELO: IZIKU ZE-BACHELOR OF EDUCATION
IMOJULI: METH&PRAC: FET&SEN PHASE (ISIZULU) 3A
IKHODI: MFSPZA3
AMAMAKI: 100
ISIKHATHI: AMAHORA ANGAMA-48
UMHLOLI: NKSZ. HADEBE
UMCUBUNGULI: DKT. MNDawe

IMIYALELO YEPHEPHA

1. Phendula yonke imibuzo kuleli phepha.
2. Yonke imibuzo mayiphendulwe ngesiZulu.
3. Lo msebenzi kufanele uthayishwe (*typed*). Sebenzisa amafonti afundekayo anjenge-*Arial / Times New Roman*.
4. Usayizi wefonti: 12
5. Isikhala somugqa: 1.5
6. Imibuzo edinga ukuba uxoxe mayesekwe imithombo yolwazi: Mayibe mine ukuya phezulu.
7. Ukusetshenziswa kwemithombo yolwazi ngendlela efanele nakho kubalulekile.
8. Ukusetshenziswa kwamanothi asekilasi njengoba enjalo akuvunyelwe.
9. Lo msebenzi kumele ungeniswe ku-*Blackboard*.

UMBUZO 1

1. Fundisisa le ndaba bese uphendula imibuzo ezolandela.

Imali iyimpande yesono

Lafa elihle kakhulu! Kazi kwakhala nyonini ezweni sakhile? Abantu sebephe nduke izinswelaboya zangoqobo ngenxa nje yokuthanda imali kuze kweqe.

Imali iyimpande yesono okwangempela. Yebo, khona ngeke sikwazi ukuphila ngaphandle kwayo, kuyiqiniso elingephikwe. Kuyamangaza futhi nje kuyichilo ukuthi kukhona abantu abathwala ngabathandiweyo babo ngenxa nje yenkece. Buphi ngempela ubulungiswa nobuntu ebantwini?

Akuwona wonke umuntu oyoceba, impilo nje injalo. Ngakho-ke abantu kumele bengayijahi ingcebo ngokwenza izinto ezesabekayo. Abanye bathatha imali yokugcina baye ezinyangeni, befuna yona ingcebo. Cha, bakithi akukho nje esiyokuthola kalula kodwa kumele siyijulukele imali ukuze ngomuso siziqhenye.

Akukho nkwalinyaphandela enye bakithi, intuthwane idla izithukuthuku zayo kanti ixoxo nexoxo liyazigxumela. Ngakho-ke abantu abangathandi ukudla amandla abanye ukuze bengahlangani nezimbila zithutha, ziholwa emhlophe phambili.

- 1.1. Chaza indlela ongayisebenzisa ukufundisa abafundi bebanga leshumi isifundo sokuqondisisa. (10)
- 1.2. Ngokusebenzisa le ndatshana, hlela umbuzo ngamunye ngokulandela ithekzonomi ka-Bloom ngaphansi kwalezi zihlokwana:
 - 1.2.1. Ulwazi (Knowledge) (2)
 - 1.2.2. Ukuqondisisa (Comprehension) (2)
 - 1.2.3. Ukusebenzisa (Application) (2)
 - 1.2.4. Ukuhlaziya (Analysis) (2)
 - 1.2.5. Ukuhlelwa kwemiqondo (Synthesis) (2)
 - 1.2.6. Ukuhlola (Evaluation) (2)

[22]

UMBUZO 2

2. Hlaziya amazwi omculo alandelayo bese ubhala i-eseyi yamakhasi amabili, uxoxe kabanzi ngokubaluleka kolimi lwebele kanye namasu okulugcina luhlanzekile.

‘Ingane kamalume

Ithi ayisakwazi ukukhuluma

Ikhuluma isiLungu kuphela

Ngabe izalwa ngabeLungu na?

Ngathi ngithi ngiyabingelela ngithi sawubona yathi

What are you talking about?’

Ngu-Tu Nokwe

[25]

UMBUZO 3

3. Xoxa ngokufundiswa kwezindlela zesenzo kubafundi bebanga leshumi. Gxila ngokuzokwenziwa nguthisha nabafundi. Amalungiselelo akho awafake lokhu okulandelayo:

- Isihloko
- Imiphumela yesifundo
- Imibuzo yesifundo
- Isingeniso
- Umzimba
- Isiphetho
- Izindlela zokuhlola
- Izinsizakufundisa

[25]

UMBUZO 4

4. Funda inkondlo elandelayo bese uphendula imibuzo ezolandela.

NGIYEKE BULIMA NGIYEKE!

Yekelan' ukubangisana ngami,
Ningidwengul' okwesilo sidwengul' inyamazane,
Ngiyeke Bulima ngiyeke ngifun' ukulala
Wen' ufuna ngilalele wena ungibelesela
Endlebeni ungihlebezel' izindaba zikaSondulo.

Ubuthongo angisabazi ngibheke ngawayizolo,
Nom' uzalo lungihlupha namuhla nayizolo,
Luthumel' omantindane notikoloshe namuhla nayizolo;
Bulima ngiyeke uthi ngingalali kuze kuwe amazolo
Phezu kwezindwani zezindaba zobuciko.

Bulima ngiyeke, ngiyeke!
Ngifun' ukuyolim' odedangendlale bamasim' akwethu
Wen' ungitshela ngobuciko nangezinkondlo
Zon' eziyizibondlo nesomphefumulo isondlo.

Nginibonile niza noBhambatha kaMakhwatha,
Owabon' ilanga ngempi kaBhambatha kaManciza,
Niyanginciza nalapho ngilele ubuthongo,
Ngivuke ngiphath' ubuso ngisus' izithongo,
Ngibon' amal' ezulu engigqolozele okwamathongo,
Won' aqapha abantu bawo imini nobusuku.

Bengithi seningiphumuzile,
 Sengilala ngishaye amangqeshane,
 Kwavuk' uMphahlele noNyembezi bangithela ngezinyembezi
 Bekhihl' isililo sezimpukane ezanamathel' ekhasini azabuye
 zasuka,

Mphahlele! Mphahleleni nina enazi isiPedi,
 Mina ngizomphahlela ngithini ngingaze nginqamuk' ulimi,
 Salani seningiyeka maqhawe akithi,
 Ngithwele kanzima kwelimagade ahlabayayo

EDM Sibiya

- 4.1. Bhala imibuzo **EMIBILI** ongayibuza esingenisweni uma ufundisa le nkondlo. (2)
- 4.2. Bhala imiphumela **EMITHATHU** yalokho ozokufundisa kule nkondlo. Ayifake ulwazi, amakhono kanye namagugu. (3)
- 4.3. Chaza izindlela **EZIMBILI** ongazisebenzisa ukufundisa le nkondlo. (2)
- 4.4. Chaza ongakwenza esiphethweni sokufundisa le nkondlo. (3)
- 4.5. Ithini indikimba yale nkondlo? Sekela impendulo yakho. (4)
- 4.6. Chaza umqondo ocashile wale nkondlo. (3)
- 4.7. Tomula isifengqo esitanzeni sokuqala bese usho ukuthi siyisifengqo sini. (1)
- 4.8. Bhala izisho **EZIMBILI** ezikule nkondlo bese uzichaze ukuthi zisho ukuthini. (4)
- 4.9. Ngabe kungamlekelela kanjani umfundi empilweni yakhe yangempela ukufunda inkondlo? Nikeza izibonelo. (6)

[28]

ISAMBA SAMAMAKI: 100